

**Абибулла Одабаш**

**УНУТМАЙДЖАКЪ**

**(икяе)**

- Хабер кельгенми?
- Эбет, кельген. Отъmek опейим, кельген!
- Ким айтты?
- Мына шимди Мурат агъам кельди, о айта.
- Соңъ, соңъ не деди я? Аладжакъ олгъанлармы?
- Олгъанлар, озю баргъан. Мектепнинь башынен корюшкен.
- Не дегенлер, алымыз дегенлерини, чалт айтса шуны!
- Айтам я, акъыз, алымыр, кетиринъиз балаларны дегенлер, кетемиз, кете!
- Айда, балам, айда! Кетеджекмиз, кетеджек?!

Азбарда бир тарафтан тавукълар къакъылдаша, о бир тарафтан чубар копек исе бир шейге авулдай. Кечен къыштан зорнен къуртулып чыкъкъан кесик къулакъ мышыкъ да кунеште чувакълай.

Эминенен Эсма чувулдаша, эллерини бири-бирине ура, сычраша, бир аякълы курсыде айланалар. Онларнынъ козълеринден севинч атешлери учуша, къуванчларындан не япаджакъларыны бильмейлер.

Къартбабай эв дуварынынъ астында чубугъыны иче, къартанай да исе сылакъ эллеринен фурун оғонде армут ярып отура.

Тамам бу арада аятта ельбешикте юкъламакъта олгъан бала, индже сеснен кийик-кийик агълап къычырмагъа башлады.

– Джаным, бу балагъа да не олды я, даа шимди юкълагъан эди, – дей къартбабай агъзындан чубугъыны ташлап. Бар бакъчи шуны, эв!

Къартанай къыбырдана элини ерге къойып даянып тураджакъ ола. Турагай, ынъырдана.

– Джаным, бу топчукъларгъа да не олды?

Къартбабай сакъалынен къаршыда тек аякъ устюне сычрашкъян Эсманы косътере.

– Баланы да уяндырылар, зиль киби багъырышалар! Бала дегиль, ольген адам биле уянаджакъ!

– Баладыр онлар, бир шейге севингендирлер. – Къартбабай башыны саллай. – О, бир шейни анъламай.

– Амма, эв, бизим Эсмачыкъ бундай севинмей, кульмей тургъан. Баба-анасы ольгенден берли мен онынъ даа бу киби къувангъаныны корымеген эдим.

Билял бешигини саллап вайвалдай, даа зияде къычырмагъа башлай. Къартбабайнен къартанай раатсызланалар, къартанай багъыра:

– Акъыз, Эсма, не япасынъ шу сен анда? Эшиитмейсинъми, вар баланы бакъ!

Эсма эшиитмей, онлар ойнай къычырашалар. Къартбабай къартанайнынъ омузыны түртө.

– Эв, бу оксюз бала керчектен къуванмай тургъан. Быракъ оны ойнасын. Айды биз варып бакъайыкъ.

Эки къарт ынъырдашып тураджакъ олалар. Бир-бирлерине даянмагъа оғрашалар.

– Ах, я Раббим, тизде де такъат къалмагъан ке-э!

Онлар чокъ чалт туралмайлар. Онлардан девир кечкен. О бир тарафта Эсманен Эмине кучълерини къайда къоймасыны бильмейлер. Онлар бинъ тюрлю къыбырданувлар япа, ойнаша, сычрашалар. Эсма Эминеге бир шейлер айта. Эмине башыны, эллерини, аякъларыны ойната...

– Анда чокъ къызылар вар, дейлер.

- Оджалар котеклийлерми экен?
- Ёкъ, анда оджалар да балаларнен берабер ойнар.
- Вай, не яхши, айда, балам, айда!

Билял богъуладжакъ киби къычыра. Элини, аягъыны къыбырдата, агълай, агълай... Бу арада азбардан кочюрмө къапусындан ичери Яшар дуду абла кире. О, бир сание къадар ойнашкъан Эсманен Эминенинъ сеслерин динълей, ынъырдап тура яткъан къартларны сече, агълай яткъан баланы коре. Соң бирден-бирге окъ киби, дувлап Эсманынъ устюне джуре.

– Ой, якъма да янкъараптар чыкъсын, кяфирниң асрагъан баласы! Эки козюнъ кёр олсун, корымейсинъми о агълагъан баланы. Мен сени не ичюн бешлейим я, домуз?!

Къартанайнен къартбабай олгъан алларында бузлап къалалар. Онларда чырай деньише. Къартанайнинъ эллери даа зияде титрей. Эсманынъ козълери айлана, юрги къалтырай, чырайы ап-акъ кесиле. Эмине исе, къачып кете.

Эсма тына, индемей. Яшар дудунынъ чеккелемелери астында башыны анда-мында саллата, къаргышларыны динълей.

– Сени гиди сурьатсыз бейнаспер дая, ичериде балань къатып къалсын да, бу онъмайджакъ мында эшек киби, сычракълап ойнасын! Къайдан кельди санъа бу гурлык? Бу эксик эди. Сен неге тансыкъсынъ манъя я? Нечюн отымек берем мен санъя!? Ана-бабанынъ артына кит, огъурсыз! Ашагъан ашынъ богъазынъда къалсын да тыйылып оль! Мына санъя, мына санъя!

Билял о бир якътан агълай, йыртыла эди. Яшар дуду исе оны эшитмей. Эсманынъ сачларындан чеке, бетини шамарлай эди.

Эсма эр заман котек ашагъанда, агълар ялварыр, Яшар дудунынъ аякъларына къапаныр эди. Бу сефер онынъ козълеринден яш чыкъмады, ялвармады. Богъукъ сеслернен, ачувиен айтты:

- Токъта сен, бир къач куньден кетеджегим... къуртулырым.
- Бакъчи, бакъчи даа сёз де къайтара, домуз, бабанынъ артына кит, мен санъа косътеририм китеджек ерини! Коръдинъми лафыны? Оксюз бала бесле де агъзынъ-бурнунь къан толсун!

Къартбабайнен къартанай къалтырайлар, сабырлары тюкене. Къартанай:  
– Ах, я Рabbim, козюм корымесин, сен меним джанымы ал – деп титрек адымларынен баланынъ янына кете. Къартбабай исе, соң эрлик бабалыкъ кучюни топлап Яшар дудугъа догъру ёнеле.

– Эй, келин, акъыз! Не урасынъ я о баланы! – дей, къалтырай, Яшар дудуны токътатаджакъ ола. Бу Яшар дудуны даа чокъ ачувландыра, о къычыра, багъыра Эсманы даа зияде тюрткелей.

Къартанай Билялны токътаталмай, онынъ вайвалтысы даа зияде котериле. Азбарда тавукълар ушкюнелер, копек авламасыны кесе, мышыкъ дуварнынъ астындан турып къача.

Иш яман эди. Къомшу енгелер, балалар кочюрмедин башларыны сокъып бакъыша эдилер. Яхши ки, бу арада Ибраим акъай кельди. О, Эсманы къурттарды. Яшар дудунынъ устюне джекирди. Орталыкъ тынды...

Эсма он эки яшында. Индже, нарин тенли. Бенъзи къачыкъ. Козълеринде даймий бир согъунлыкъ вар, онда усть баш йыртыкъ. Аякъларынынъ папуч корымегени чокътан. Кечен къыш онынъ ана-бабасы ачлыктан ольген эди. О, анасыны не къадар север эди. О, кой мектебининъ соң сыныфында окъуюй эди. Оджалары оны макътай, бабасы исе къызынынъ гузель окъугъанына севине эди. Эгер онынъ бабасы сагъ олгъан олса, оны даа зияде окъутаджакъ эди. О, ольмезден бир къач куньлер эвель, кой оджасыны корыгенде ялварды:

– Къардашым, Исмаил эфенди, ырана биз вакъытында анълап оламадыкъ. Эписи джаиллигимизнинъ белясы... Язда сиз ашаладжакъ не де олса, топланызыз, къышта ачлыкъ оладжакъ дегенде, биз кульген эдик. Мына шимди башымызгъа кельди. Энди бизден

хайыр ёкъ, иште шишип ятам... Лякин, джаным къардашым, эгер сен сагъ къалсанъ, меним балаларым да сагъ къалсалар, сен ярдым эт онларгъа, окъусынлар, джаиль къалмасынлар.

Исмаил эфендининъ козьлери яшаргъан, Ибраим акъайгъа сёз берген эди.

Эсма шимди дайысынынъ янында отура, онынъ алы пек яман. Эвде эр шейни япа, эв тюбю сыйлай, одун, сув кетире, чёльге тувар айдай. Кимерде тарлагъа да варып келе. Бутюн бунларгъа къаршылыкъ исе енгесинден эр кунь бир къач керелер къаргыш ве котек ашай. Дайысы оны севе, аджый, онъа кулер юзъ косытере эди. О, Эсманынъ эвдеки алыны, чеккенлерини пек яхши анълай, лякин не япсын, онъа бола насыл эвини бозсун. О, Эсмадан себеп бир къач керелер къарысыны котеклеген эди, ама бу Эсманынъ алыны тюзельтеджегине, даа зияде куччештириди. Кучюклигинде пек чокъ котек ашагъан, пек башсыз ве пек корымемиш осъкен Яшар дуду бутюн дюньягъа олгъан ачувины Эсмадан алмагъа къарап верген эди.

Оджа язда: «Окъумакъ ичюн Эсманы конъдерейик де шеэрge!» – дегенде, Эсманынъ дайысы бунъа къуванып разы олгъан ве Эсмагъа да: «Айды, къызым, сени окъумагъа ёлларым, анда раат олурсынъ, эм де адам олурсынъ!» – деп къулагъына фысылдагъан эди.

Койден шеэрдеки татар мектебине окъумакъ ичюн дёрт къыз кетеджек эди. Бунлардан бириси де Эсма. Эсма ве аркъадашлары, артыкъ бир айдан берли хабер беклейлер.

Сериндже бир ель эсе. Кунеш йылтырай, ама сыйдагъы чокъ дуюлмай. Яз дюньянен салыкълашты. Кузъбай таягъыны саллап келе ята. Ешилликлеринъ чырайы денъиши. Къаршыдаки буюк дагъларнынъ япракълары сырлангъан, аллангъан, пуллангъан эди.

Эсма аркъадашларынен шеэрге кете. Эмине, онлары озгъарып кеткен Исмаил эфендиден сорай:

– Шимди эпимизи алырлармы экен?

– Къана, алырлар деп умют этемиз, иншалла, алырлар. Ама бираз имтиян олурсыз, дохтур да бакъар. Имтиян верип олсанъыз, дохтур да сизни сагълам тапса, сонъ алырлар. Бизим койден учъ къыз алмагъа къарап верген эдилер.

Бу хабер Эсманы урькютти. Онынъ кейфи артыкъ бозулгъан эди. Къоркъып сорады:

– Я сонъ, Исмаил агъам, эгер имтиян верип оламасакъ, дохтур да сакъат десе, сонъ не олур?

– Сонъ не оладжакъ, къайтып кетермиз койге.

Эсманынъ чырайы атты. Нефеси сыйкълашмагъа, юрги фытырдамагъа башлады. Онынъ темиз кейфи кеткен, бир къач saatлардан берли корюнген шенълиги джоюлгъан эди. Солгъун янакълары шу saat чёккен, къашлары сыйкъ-сыйкъ къыбырдамагъа башлагъан эди. Буюк фуртуналы бир авадан сонъ онынъ месум кокюнде корюльген ачыкъ кунешли бир бааръ янъыдан къара, къоркъунч булутларнен къапанды. О, артыкъ бутюн ёл бою озюнинъ насыл имтиян оладжагъыны, озюнден нелер сораладжагъыны, не киби джеваплар вермек керек олгъаныны тюшүне эди. Козюнинъ огюне дохтур келе яки кирежеги мектепнинъ оджалары келе ве онлардан месумане бакъышларынен ярдым истей эди. «Уф, я Раббим, сен ярдым эт. Мени къабул этсинлер. Мен сенинъ эмринъден чыкъмам, ясин окъурым, кимсеге ялан айтмам. Анам – урма айванларны, гунадыр, – дей эди, я Раббим, урмам, кимсени ынджытмам, ич кимсенинъ артындан айтмам, я Раббим, сен мени мектепке къабул эттир...»

Къаба, буюк дагъларнынъ арасындан кечкенде, Эсманынъ аркъадашлары узун тюркюлер туттурдылар:

Къаядан эндим бугунъ, элимде алтын гугюм.

Эр кунь корыген анамы не дюн корьдим, не бугунъ...

Атларынынъ чанълары, бу яш сеслер гурь, къаба дагъларны чынълата эди. Эмине ве даа о бир аркъадашлары шенъ, къуванчлы йырлай эдилер. Бу тюркюден Эсманынъ козю огюне ольген баба-анасы ве онларнен яшагъан шенъ, баҳтлы кунылери кельди... Иште, Эсма анасынен тютюн къырмагъа кете. Эрте сабадан орталыкъ не къадар гузель къокъуй. Бир тарафтан къушлар отюше, дигер тарафтан исе, дере ве озенлерден акъкъан чешит

сувлар, чешит тюрлю тюркюлер айта эди. Эсма анасына чичеклер айып бере. Онларынъ арасындан кельген памукъ тюклю къозучыкълары да сычракълап ойнай. Тарлада тютюн къырмакъ не къадар зевкълыдыр!.. Иште, онлар артыкъ къырып битирдилер. Бабасы тютюн тарписини юкледи. Эсма ве анасы бир сепет зарзават айдылар, эвге къайталар... ама шимди кунеш къыздыра. Эсма болдурды, анасы оны къучагъына ала, опе...

Эсма бу хатирелеринен пек татлы дакъикъалар яшай, севине. Онынъ сёнюк козьлеринде къуванч, баҳт йылдырымлары учуша эди. Эсма да анасыны къучакълайджакъ ола. Бирден-бирге анасынынъ олюси онынъ эсине тюше... Ава сувукъ, эвде атеш якъаджакъ такъатта адам ёкъ. Бабасы бир къач куньлерден берли эвге кельмей. Эсма бир куну ёлда, эки адамнынъ лакъырды эткенини эшиктен эди:

– Эй, къардаш, къайда вараджакъсынъ? Мына, Ибраим агъа да кетти. Бир ерде бузлап къалмагъан олса яхши. Барем, ольсем де балаларымынъ янында эпимиз бирликте олейик.

Бети-козю шишкен отеки адам исе:

– Не япаджакъсынъ, оледжек заманымыз яқлашкъандыр. Баш язысын козь кореджек.

Бир тарафтан Эсманынъ анасы темиз такъаттан тюшкен, бет-козь шишик, ынъырдана чекише. Дигер тарафтан исе Эсма бабасыны тюшюне.

Эсма титрей, къалтырай. Ачлыкъ фелякети онынъ козюнинъ оғюндөн бутюн дешети, къоркъунчлыгъынен келип кече, онынъ яш гонълюндеки силинmez яраларны къозгъалта, соң Эсманынъ козюне дайысынынъ эвиндеки яшавы келе. Оксюзлик куньлерниң чекишимелери сыралана.

Араба Агъыз Къырдан тюшкен, озен янында атларны сувармакъ ичюн токътагъан эди. Эсманынъ аркъадашлары агъыр бир макъамнен яныы бир тюркю туттурдылар:

Ай гиди, меним озъ коюм, сув башы Найман.

Сенинъ козюнъ торланса, мен джылайман.

Кой... Тувгъан кой... Бу гузель ер Эсманынъ акъылында шимди къаранлыкъ, къоркъунч нокъталардан башкъа бир шей ташламай. О гузель ешиль дагълар, бол кольгели багъчалар, багълар, йылтырап чешит тюркюлер айып акъкъан сувлар, пек татлы, севинчили, тюркюли вакъытлар кечирильген тютюн тарлалары – бутюн бунлар чичеклер, гуллер силинген... Эсманынъ гонълюнде тек къап-къара тамгъалы бир эв, бир ишкендже ери къалгъан эди.

Шеэрge кетмек узъре арабагъа мингенде, башкъа къызларнынъ ана-бабасы топлашкъан, къызларны опип, охшап озгъаргъан эдилер. Заваллы Эсманы озгъараджакъ ич бир кимсе ёкъ эди. Бундан башкъа о, шу куню енгесинден яхши бир къаргъыш ашагъан эди. Дайысы акъшамдан онынъле салыкълашып онъа бир къач татлы сёзлер айткъан ве сабадан эрте турып ишине кеткен. Эсмагъа оджаларындан башкъа «салыкъынен вар, Алла къолай кетирсинг, сен къоркъыма биз санъя ярдым этермиз» деген бир киши тапылмады. Эсма бузлагъан тарзда башкъаларынынъ салыкълашкъынана бакъа, ич бир козъден ич бир тюрлю севгили бакъыш корип оламайджагъыны бильгени ичюн козъяшларыны юречигине акъыта эди. Онынъ юречиги, душман аякълары астында эзильген, тапталгъан бир мемлекет, башсыз, къорчалавсыз, оксюз къалгъан бир миллет киби тахкъир олунгъан, орьселенген эди. Къаршыдаки къырдан кечкенде, Эсма тувгъан коюне бир козь кездирди. Бабасынынъ ачлыкътан саткъан эвининъ бозукъ, йыкъыкъ дуварлары козюне илиши. Даа узакъта бир байырнынъ артындан кой мезарлыгъынынъ къара ташлары корюне эди, агълайджакъ олды. Лякин онынъ козъяшлары къуругъан эди. Аркъадашлары узакътан аналары, тувгъанларынен савлукълаша эдилер.

Эмине санки онынъ алыны анълагъан эди

– Эсма, бакъ сен не къадар частлысынъ, сенинъ артына ташлагъан ана-бабанъ ёкъ.

Бакъ, меним анам маңыя явлукъ саллай. О, шимди, ким бильсин, не къадар агълайдыр.

Эмине сесине шенълик бермек истеп: – Ама зарап ёкъ, мектепке кирсек, эр шейни унутырмыз...

Мектеп лакъырдысыны эсине кетирмеси узерине Эсманынъ акъылына кене дохтур, мектеп оджалары ве мектепке къабул олунмайджагъы кельди. Онынъ яш, кедерленген

гонъюнде даа башкъя, даа якъын фелякетлер, аджылар дөгъура биледжек фуртуналар эсмеге, дувулдамагъя башлады. Аджеба, оны мектепке аладжакълармы?..

Буюк, ешиль боялы, койдекилерине ошамагъян азбар къапулары гъычырдал ачылдылар. Араба таш тёшевли кениш азбаргъя шатырдан кирди. Бир чокъ къызлар янъя араба кельгенини корип ушоштилер. Мектепте Эсмаларның янаша койлеринден танышлары бар эди. Онлар шу saat сечилип чикъты, буюк севинчинен янъя кельген аркъадашларыны къаршыладылар. Эсманың танышларындан ильк соравы дохтур мындармы, сёзлери олды. Дохтур оның козюниң оғонде балабан, къоркъунч ве яхши мераметли бир адам олып корюне эди. О, оджалардан о къадар къоркъмай эди. Чюнки оның оджасы пек зияде севе, дерслерини азырлагъаныны, бильгенини айта эди.

Бир таныш ондан сорады: «Койлерде не вар, не ёкъ, бизим койден хабер алдынъымы, яхшылармы?» Эсма: «Чокъ шукюр, яхшыдырлар», – деди ве иляве этти. «Бизде шимди дохтур ёкъ, хасталыкълар котерильди.»

Сонъ Эсма бирден-бирге башкъя, титрек бир сеснен къызлардан сорады:

- Дохтур не заман келеджек я?
- О саба келир.
- О дохтур мени алымы экен?..

Эсмаларгъя онларның аякъдашлары бутюн мектебини, азбарыны, сыныфларыны, ятакъханелерини, аш пиширильген, ашалгъан ве даа башкъя ерини кездирип косътердилер.

- Я бу недир?
- Бунъя идарехане дерлер, канцелярия.
- Я мында не япалар?
- Мында мудирлер, оджалар отурыр. Мында балаларны язалар.
- Янъя келенлерни мында алалармы?
- Эбет!

Эсма къоркъып сорады:

- Имтианны не заман япалар, кучь сорайлармы?
- О, мудир кельген сонъ анълашылыр.

Бу ода Эсманың гонъюнде буюк бир къоркъу ташлады, санки анда оның бутюн баҳты ве яки фелякети бекленген эди.

Акъшам якъынлашкъян, орталық къаранлыкълашмагъя башлагъян эди. Оджа дедилер... Бир эфенди келип онларгъя хош кельди айтты. Къайдан кельгенлерини, койде насыл олгъаныны ве даа чокъ шейлер сорап онларнен лакъырды этти. Эсма башта ондан бираз къоркъса да, сонъ юрекленди, лаф арасында оджаның бир суалиндеп файдаланып:

– Бизим койниң авасы, сувы пек яхшыдыр, бизде халкълар пек сагъламдырлар. Бизим ич биримиз хасталанмадыкъ, – деди.

Бу кунь куч олгъян эди. Оджа онларгъя ер косътерди.

– Мына бу гедже раатланыныз, ярын сизни бираз имтиан этип бакъармыз, дохтур да бакъар, сонъ окъумагъя башларсыныз...

Эсманың бу геджесини мен язмакъ истемейим. О джинли дерелер къадар къоркъунчлы, шейтан тойлары къадар къарышыкъ, Яшар дуду ablanyнын къашлары къадар чатыкъ, оксюзлик къадар серт ве коклер къадар четысиз эди... Багъча къадар буюк бу ятакъханеде балаларның чешит якътан кельген хурулдамалары, липильдеп янмакъта олгъан кучюк лампачыкълардан созулгъян чешит тюрлю кольгелер оның ичюн бу пек янъя, пек ябанджы орталық онда, Эсмада, тюрлю сырлы, анълашылмаз дуйгъу не тюшюнджендер дөгъура, оның юкъусыны къачыра эди.

Саба турмакъ чанъы ургъанда, Эсма эр кестен эвель сычрап тургъян эди...

- Айдынъ, янъя кельген къызлар, сиз идареханеге вараджакъсыныз!

Эсма одагъя насыл киргенини билип оламады. Эсмаларны кетирген Исмаил эфенди мудирнен лакъырды эте, онъя бир шейлер айта эди. Мудир: «Ёкъ, джаным, дёрт кишини

насыл къабул этейик, биз сизнинъ койге тек учь адамгъа ер берген эдик. Даа башкъа ерлерден де алмакъ керек. Къырымда кой чокъ» – деди.

Бу лакъырдылар Эсманынъ юрегине окъ киби урды. Иште, бир частсызлыкъ даа!..

Мудир эфенди янъы ичери кирген къызларгъа чевирилип:

– Къана, бу ханымлар сизинъ койден кельгенлер? Хош кельдинъиз, баллар, келинъ бакъайым ыранда, – деди.

Эсма эгилип онынъ къолуны опеджек олды.

– Керекмей, къардашым, сенинъ адынъ не?

– Эсма...

– Сен иптидаий мектебини битирдинъми?

– Эбет.

– Яхши ама, сен бираз нарин корюнесинъ де, насыл окъурсынъ сен, къардашым?

Эсманынъ юречиги бузлады. О, бундан соң олгъан мудирниң суаллерине джевап бералмады. Лякин Исмаил эфенди онынъ ярдымына етишкен эди. О, мудирге яваштан бир шейлер айтты.

Эсманынъ шеадетнамелерини бакъъанда, мудир Эсманынъкини яхши козъден кечирди. О, башыны саллап:

– Аферин, къызым, бакъ, сен чалышкъан бир къыз экенсинъ.

Эсма кениш бир нефес алды. О, артыкъ юрекленген эди. Шимдилен соң соралгъан суаллерге пек яхши джеваплар берди. Отеки къызларнынъ тутулгъан ерлерини де ондан сорай эдилер. О, эсап меселелерини яхши чезди.

Эсма да, идареханенинъ къапусындан чыкъъанда, биринджи къалены алгъан бир командан вазиети бар эди. Исмаил эфенди онлардан бираз соң чыкъып:

– Аферин, къызлар, бизни утандырмадыныз, – деди.

Соң Эсмагъя якълашып:

– Сени оджалар чокъ бегендилер, – дегенде, Эсманынъ юрги бир къат даа осьти.

Отеки къызлар Исмаил эфендининъ башына топлашып не заман къайтаджагъым, шимди мында къалсалар, соң койге варып ана-бабаларынен не заман корюшип оладжакъларны сорай эдилер. Амма Эсманынъ тюшүнгени бу дегиль эди. Онынъ козюнинъ огюнде экиндже тик бир байыр пейда олгъан эди. О, янындаки мектеп къызларындан бирисини сорады:

– Дохтур чалттан келирми экен?

– О, бир saatten келир.

Бир saatten... Уф, бу не къадар узун бир заман... Бир saatte алтмыш дакъикъа вар... Атмыш дакъикъа, шакъа дегиль... Амма, иншалла, дохтур да яхши бир адамдыр. Эм меним бир ерим агъырмай ки! Элимде бираз яра вар, амма, – о тез яхши олур. О ич агъырмай да... Белим, белим тек эки учь ай эвельси агъыргъан эди бираз.. Мен ыранда котек ашамайджагъым... О ыранда агъырмаз, иншалла. Аджеба, дюньяда бир saatten даа узун бир шей вармы экен?

– Айдынъыз, дохтур кельди!

Эсманынъ аякъдашлары аркъадашларыны мектепниң хастаханесине озгъардылар. Заваллы Эсма... О даа шимдигедже бу къадар кучь, мушкюль бир вазиетте къалмагъан эди. Ана-бабасы олип, о, ёл ортасында къалгъан заманларында биле бу къадар агъырлыкъ дуймагъан эди. Уф, бу кучь алнынъ ичинден насыл чыкъмакъ керек?

Эсма дюн бутюн ёл бою ве гедже ятакъханеде оны тюшүнген ве бир чокъ чарелерниң арасында озюни япма олсада, бираз семиздже, сагълемдже косътермек ёлларыны къыдыргъан эди. Бунынъ ичюн о, бугунъ озюнде олгъан бутюн урба ве чамашырларыны устюне кийген эди.

О, къоркъулы, серт адымларнен хастаханеге кирди.

– Я сенинъ адынъ не?

– Эсма.

– Бир еринъ агъырамы?

Эсма толкъунлы ве бир нефеснен:

– Ёкъ, дохтур эфенди, ич бир ерим агъырмай.

– Оксюр, бакъайым!

– Я мен сувукъланмадым да, насыл оксюрейим?..

– Я бу не къадар урба, ёкъса ушийсинъми?

– Ёкъ, ёкъ... мен... билесизми, мен ич хаста олмадым. О кечти, дохтур эфенди.

– Чапкъанда юрегинь урамы, агъырамы?

– Ёкъ, дохтур эфенди, меним юрегим чокъ сагъламдыр. Ич урмаз, эм ич агъырмаз.

– Я, къызым, сен ичюн бу къадар арыкъсынъ? Мадденъ бармы? Косятер бакъайым тилинъни!

Бу суаллер Эсманы темиз ольдюре язды. Джебирдеки мелеклернинь кырыкъ суалине джевап бермек Эсма ичюн даа къолай корюне эди. Дохтурнынъ пармакънен онынъ коксюне, сыртына урушлары, трубачыкъларнен динълейишлери онъя Яшар дудунынъ шамарларындан даа чокъ къоркъу бере эди. Q, артыкъ сонъ кучюни топлап дохтурнынъ сонъ суалине джевап берди:

– Ёкъ, дохтур агъя, меним ич бир ерим агъырмай. Арыкъ олгъаным, чонки биз чокъ ачлыкъ чектик, мен оксюз къалдым. Меним анам-бабам ёкътыр, дохтур эфенди. Мен чокъ яхши окъурым, дохтур эфенди.

Эсманынъ козълеринден тыгъырып тюшкен бир къач сыйджакъ козъ яшы тамлалары дохтурнынъ элине тийип ерге синъдилер...

Эсма мектепке алынгъан эди...

Исмаил эфенди арабанен мектепке кельди, Эсмаларнен салыкълашып койге къайтаджакъ эди. Онларнынъ эписи арабанынъ этафында топландылар. Эр бири Исмаил эфендиге бир чокъ шейлер ысмарлай эдилер. Онлар ильк дефа оларакъ ана-бабаларындан айрыла, гъурбет, айрылыкъ дуйгъуларыны тарта, ильк дефа оларакъ ана-бабасыз, онларынъ ярдымы олмакъсызыны яшамакъ девирине башлай эдилер. Бу онлар ичюн бир тарафтан янъы, меракълы бир девир олса да, дигер тарафтан пек зияде къоркъунч ве агъыр корюне эди. Бу агъыр яшавда онлар ичюн керек бир чокъ шейлер вар эди. Эвден чыкъканда, бунларны тюшюнмек онларнынъ акъылына биле кельмеген эди. Шимди Исмаил эфенди де къайтып кете, онлар тер-темиз ялнъыз озъ башына къаладжакълар. Онынъ ичюн эр бири бир куньлюк теджрибелери, корювлери нетиджесинде озылерининъ кереклерини тюшюнип айта, ысмарлай эдилер.

– Джаным, Исмаил эфенди, анама айт да манъя къалын бир шал ёлласын. Мында сувукъ олур дейлер... Анама, бабама – эписине селям этинъиз.

– Исмаил эфенди, бабам манъя бир чанакънен бир къашыкъ алып ёлласын да, бир де къалын ёргъан конъдерсинлер.

– Джаным, сиз де олмайджакъ шейлер айтасыз. Исмаил эфенди, сен анама айт да бир къарын къавурма къавурып ёлласын. Джевиз, фындыкъ да унутмасын.

Исмаил эфенди башыны саллай, куле:

– Яхши, яхши унутмам эписини айтасыз. Емиш, бекмез де ёллатырим, тек сиз бизни утандырманызы дерслеринъизге яхши чалыш, яхши юрюв, гузель тербиели олунтыз. Мына бизим фукъаре, джаиль, оксюз халкъымызыны адам этеджек сизсинъиз, ич бир заман халкъны, устюнъизге тюшкен буюк борджаларынъизны унутмантыз...

Исмаил эфенди арабаны айдагъан Османгъа кочьмесини айтты.

О, тельбевлерини тюзөльтип атларны кочюреджек эди. Балалардан эр бири боюнларыны букип явлукъларыны азырламагъа башладылар. Эсма шимдиге къадар ич индемеген эди. Онынъ шей ысмарлайджакъ бир кимсеси ёкъ эди. Койден айырылмакъ, ялынъыз къалмакъ онъя агъыр кельмей. О, гъурбетликнинъ, асретликнинъ энъ агъырларыны корип кечирген, оксюзлик ве ёкъсуздыкъынынъ энъ къатты, энъ джан алыджы корюнишлерини яшагъан эди. Лякин онынъ юрегини шимди янъы бир талай дуйгъулар, арзулар кемирие ве о, кой ичюн, онынъ баҳт ве фелякетлерини яшаткъан тувгъан кою, койлюлери ичюн айтаджакъ лакъырдылары олгъаныны дуя. Башкъа къызлар

Исмаил эфендиден бир чокъ шейлер ысмарлагъанда, Эсма бу янъы дөгүгъан озь дүйгүлары, озь тюшүнджелеринен огъраша, лякин онларны ифаде этеджек сёз тапальмай.

Исмаил эфенди де арабагъа минди.

– Айдынъ, баллар, чокъ салыкънен къалынъыз. Сиз меракъ этменъиз, мен шеэрge кельген сайын сизни келип ёкъларым.

Осман да салыкълашты, къамчысыны элине алды.

– Айда, но-о-о, айда, малилерим!..

Атлар яваш адымларнен кочтилер. Къызлардан эр бири арабанынъ янашаларындан кете эди. Ялынъыз Эсма бир четке чекильген, къатып къалгъан. Исмаил эфенди онларнен бир даа салыкълашты.

– Айды, балалар, салыкънен къалынъыз. Эсма, я сен нечюн ойле бир четке чекилип къалдынъ?

Эсма Исмаил эфендининъ айткъаныны анъламады, араба азбар къапудан чыкъа ята эди. Эсма бирден-бирге уянгъан киби башыны котерди, соң арабанынъ артындан чапып къычырды:

– Исмаил эфенди, токъта, джаным, азчыкъ токътаса.

Арабаны токътаттылар. Эсма сый-сый нефес алыш арабанынъ янына якълашты. Онынъ чырайы къизаргъан, юткъуна. Бир шейлер айтаджакъ ола, лякин бир тюрлю сёз тапальмай эди.

– Не айтаджакъсынъ, Эсма? Айт мен алышым, ёкъса бир шей керекмейми санъа?

Бу суаль Эсманынъ алышынъ къолайлаштырды.

– Ёкъ, Исмаил агъам, манъа бир шей керекмей, меним айтаджакъ шейим будыр. Сен, джаным, меним дайыма, Яшар дуду енгеме айт... (Эсма бир къач керелер юткъунды. Бутюн балалар Эсмагъа бакъа эдилер. Эсма девам этти). Олар манъа акъларыны элял этсинлер, онлар мени ачлыкътан, олюмден къутардылар. Меним де онларгъа акъкъым элял олсун...

Эсма бираз даа къизарды.

– Соңъ, Исмаил агъам, джаным, онда бизим къомшумызда Усьниечик вардыр. О да оксюздир. Мен оны унутмам. Сен, джаным, айт онъа, мен мында оджаларгъа ялварырым, оны да алышлар мектепке.

Исмаил эфенди Эсманынъ элини тутты, козълеринден опти.

– Яхши, кадым, айттырым, пек яхши. Иншалла, оны да кетирирмиз. Айды, салыкънен къал.

Амма Эсманынъ сёзлери битмеген эди.

– Бакъчи, Исмаил агъам. Анда, койде, даа оксюзлер вар. Мен оларны да унутмам. Сен, бизим бутюн халкъымыз оксюздир – дединъ. Мен бутюн оксюзлерни, джаиль, къаранлыкъта яшагъан халкъымызын да унутмам.

Эсма даа бир шейлер айтаджакъ эди, ама бильмей, тапмай, не айтаджагъы акъылына кельмей эди. Аркъадашлары ве арабаны корип топлашкъан даа бир мектеп къызлары онынъ бетине бакъа эдилер. Онлардан бир бою куле, бир бою исе онынъ айткъанларыны тасдикъ эте эдилер. Араба кочти...